

ADMINISTRACIÓN LOCAL

MUNICIPAL

RIBEIRA

Aprobación definitiva da modificación ordenanza reguladora do prezo público por prestación do servizo público do centro de atención á primeira infancia

O pleno do concello en data 26 de xullo aprobou inicialmente a modificación da ordenanza reguladora do prezo público pola prestación do servizo público do centro de atención á primeira infancia, sendo exposto ao público o expediente por trinta días contados a partir do día seguinte da publicación de anuncio no Boletín Oficial da Provincia publicado en data 2 de agosto, de conformidade co previsto no artigo 49 da lei 7/85 reguladora das bases do réxime local.

Transcorrido o devandito prazo sen presentación de reclamacións, e de conformidade co disposto no devandito artigo 49, enténdese aprobada definitivamente a modificación e procédese a súa publicación íntegra:

“MODIFICACIÓN DA ORDENANZA REGULADORA DO PREZO PÚBLICO POLA PRESTACIÓN DO SERVIZO PÚBLICO DO CENTRO DE ATENCIÓN Á PRIMEIRA INFANCIA DO CONCELLO DE RIBEIRA

O artigo 3 da ordenanza queda redactado do seguinte xeito:

ARTIGO 3.- Contías.

1. Establécense as seguintes contías para o prezo público:

A) ASISTENCIA REGULAR AO CENTRO – CONTÍA MENSUAL

Nº TARIFA	RENTA PER CÁPITA MENSUAL	XORNADA COMPLETA	MEDIA XORNADA
T-7	inferior ao 50% IPREM	0,00 €	0,00 €
T-6	>= 50 % e < 75% IPREM	34,91 €	17,46 €
T-5	>= 75% e < 100% IPREM	69,81 €	34,91 €
T-4	>= 100% e < 125% IPREM	112,13 €	56,07 €
T-3	>= 125% e < 150% IPREM	133,29 €	66,65 €
T-2	>= 150% e < 200% IPREM	147,05 €	73,53 €
T-1	>= 200% IPREM	169,26 €	84,63 €

B) ASISTENCIA AMPLIADA AO CENTRO

Con carácter excepcional os/as usuarios/as poderán ampliar a súa xornada de atención educativa mediante a solicitude de horas extraordinarias, sempre que acrediten a súa necesidade.

O prezo mensual por cada hora en que se incremente o horario de atención educativa adxudicado ao usuario ou usuaria será de 20,44 €.

C) ASISTENCIA PUNTUAL AO CENTRO

No caso de asistencias puntuais de nenos á escola infantil municipal, establécese unha tarifa de 3,07 € por hora.

D) SERVICIO DE COMEDOR

Nº TARIFA	XANTAR - CONTÍA MENSUAL	ALMORZO - CONTÍA MENSUAL	MERENDA - CONTÍA MENSUAL
1	71,54 €	22,48 €	22,48 €

No caso de nenos/as que non utilicen habitualmente o servizo de comedor e que excepcionalmente, e por motivos xustificadas, desexen utilizar o servizo algún día solto, o prezo será de 4,09 €/día no caso de XANTAR, 2,04 €/día no caso de ALMORZO e 2,04 €/día no caso de MERENDA.

2. Enténdese por renda per cápita mensual familiar o resultado de dividir polo número de persoas que compoñen a unidade familiar, o cociente resultante de dividir entre 12 a suma dos ingresos totais da unidade familiar.
3. Enténdese por unidade familiar a formada polos cónxuxes (ou persoas vinculadas por relación afectiva análoga) e fillos menores de dezaioito anos ou fillos maiores de dezaioito anos cunha minusvalía superior ó 33%. No caso de familias monoparentais, e para os efectos do cálculo da renda per cápita a que se refire o parágrafo anterior, incrementarase nun 0,8 o número real de membros que compoñen a unidade familiar. A determinación dos membros da unidade familiar e os seus ingresos farase atendendo á situación existente a 31 de decembro do ano anterior.
4. Para os efectos desta Ordenanza, ten a consideración de ingresos da unidade familiar a suma da parte xeral máis a parte especial da base imponible previas á aplicación do mínimo persoal e familiar do imposto sobre a renda das persoas físicas de todos os membros da unidade familiar que obtivesen algunha clase de ingreso. Para as persoas non obrigadas a declarar obtérase o importe das seguintes contías de imputacións de rendas declaradas por terceiros: Rendementos íntegros do traballo + Rendementos do capital mobiliario + Ganancias patrimoniais sometidas a retención - Gastos deducibles de rendementos do traballo.

O artigo 6 da ordenanza queda redactado do seguinte xeito:

ARTIGO 6.- REDUCIÓN

1. Sobre o prezo que resulte de aplicar as contías previstas no artigo 3 da Ordenanza, aplicaranse os seguintes descontos:
 - a. Descontos nas contías de Asistencia regular ao centro previstas no artigo 3.1 A) desta ordenanza:
 - i. De conformidade co previsto na Disposición adicional novena da lei 13/2008, de 3 de decembro, de servizos sociais de Galicia, outorgarase unha redución do 100 por cento.
 - b. Cando por circunstancias sobrevidas, o menor ingrese no centro con posterioridade ó día 15 do mes, as cotas mensuais que corresponda pagar polo dito mes terán un desconto do 50 por cento.
 - c. Cando por causas imputables ao centro (calendario escolar ou calquera outra), o servizo deixara de ser prestado durante un período de cando menos 15 días dentro do mesmo mes, as contías mensuais a aboar experimentarán, na mensuralidade correspondente, unha minoración do 50%.
2. Non terán dereito a redución algunha aqueles usuarios que non asistan ao servizo durante un período continuado de 15 días sen xustificar.

O artigo 7 da ordenanza queda redactado do seguinte xeito:

ARTIGO 7.- OBRIGA DE PAGAMENTO E PERIODO IMPOSITIVO

1. O período impositivo das contías do prezo público desta ordenanza previstas será o mes natural, producíndose o nacemento da obriga de pago o día 1 de cada mes, agás no suposto de utilización do servizo de asistencia ou comedor por días soltos, no que a obriga de pago nacerá no momento da utilización do servizo.
2. O desistimento ou falta de asistencia dos usuarios ao servizo non suporá redución nin exención da obriga de pagamento mentres non se formalice a baixa correspondente por escrito ante o rexistro municipal e causará efectos no período impositivo seguinte, non procedendo a devolución do ingresado con anterioridade á data de comunicación da baixa.

O artigo 8 da ordenanza queda redactado do seguinte xeito:

ARTIGO 8.- NORMAS DE XESTIÓN

1. O importe das cotas a pagar para cada obrigado determinarase pola resolución de Alcaldía, que de acordo co regulamento do servizo, aprobe a relación definitiva de admitidos na Escola Infantil cada curso escolar ou de altas sobrevidas.
2. Con todo, as tarifas inicialmente establecidas poderán ser obxecto de revisión segundo os termos do artigo 4.
3. O cobro das tarifas do prezo público xestionarase a partires dun padrón constituído polos recibos comprensivos dos obrigados ao pago, usuarios, contías e bonificacións aplicables, o cal será aprobado mensualmente nos dez primeiros días do mes natural seguinte a que corresponda o período impositivo pola Alcaldía-Presidencia, publicándose anuncio de notificación colectiva no Boletín oficial da provincia de A Coruña.
4. O período ordinario de pago será de trinta días naturais dende a aprobación e publicación do correspondente padrón, transcorrido o cal, as contías devindicadas e non pagadas serán esixidas mediante o procedemento de constrinximento.

5. O medio de pago ordinario será o de domiciliación bancaria nas contas sinaladas polos obrigados ao pago, producíndose o cargo dentro dos dez primeiros días dende a aprobación do Padrón correspondente.

DISPOSICIÓN FINAL

A presente ordenanza entrará en vigor cando unha vez aprobada definitivamente polo Pleno da corporación e publicado o seu texto integro no Boletín Oficial da Provincia, teña transcorrido o prazo previsto no artigo 65.2 da Lei 7/85, de 2 de abril, reguladora das bases de réxime local, tendo efecto en todo caso as reducións previstas no artigo 6 a partires do 1 de setembro de 2022.”

Contra a aprobación definitiva desta ordenanza únicamente poderá interperse recurso contencioso-administrativo ante a Sala do Contencioso-Administrativo do Tribunal Superior de Xustiza de Galicia no prazo de dous meses a contar dende o día seguinte á publicación do presente anuncio no Boletín Oficial da Provincia.

En Ribeira, a 20 de setembro de 2022

O Alcalde-Presidente

Manuel Ruiz Rivas

2022/5867